

E Indice di Confiansa di Consumidor a subi den e promer trimester di 2025, mientras cu 94 por ciento di consumidornan ta premira cu prijsnan lo ta mas halto den e proximo 6 lunanan.

Comunicado di prensa¹


Banco Central di Aruba (BCA) a conclui e Encuesta di Confiansa di Consumidor pa e promer trimester di 2025. E encuesta di confiansa di consumidor ta evalua e percepcion economico di e consumidor local.

Preocupacion principal di consumidor den e di promer trimester di 2025:

- Deterioracion di e situation di negoshinan y di economia a baha na 67% (2024-IV: 39%).
- Casi 49% di e respondentenan ta premira cu e posicion financiero di gobierno lo empeora (2024-IV: 27%).
- Cerca di 44% di e respondentenan ta premira cu e situation financiero di nan hogar lo deteriora (2024-IV: 26%).
- Na 36% a keda igual cu e respondentenan ta premira mas dificil pa haya un trabou nobo (2024-IV: 36%).

Consumidornan tabata menos pesimista, mirando cu e Indice di Confiansa di Consumidor a subi cu 0,8 punto di indice te na 95,0 den e promer trimester di 2025 (mira Grafico 1)².

Grafico 1: Indice di Confiansa di Consumidor a baha den e promer trimester di 2025.




Fuente: Banco Central di Aruba

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu consumidornan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di consumidornan

E Indice di e Situacion Actual a subi cu 0,8 punto di indice te na 94,8 den e promer trimester di 2025. Mientras, e Indice di Habito di Consumidor a crece cu 3,0 punto di indice te na 97,6. Di otro banda, e Indice di Expectativa a baha cu 1,9 punto di indice te na 93,0 durante e promer trimester di 2025. Esaki ta indica cu consumidornan ainda ta cauteloso encuan to nan habito di compra y fian sa den e promer trimester di 2025. Pa cu e Indice di Expectativa di Prijs esaki a baha cu 0,1 punto di indice te na 90,6 den e promer trimester di 2025 (mira Grafico 2).

Grafico 2: Resultado di Indice di Confianza di Consumidor den e promer trimester di 2025.



Fuente: Banco Central di Aruba

Prijsnan mas halto den e proximo 6 lunanan ainda ta keda un preocupacion grandi pa e respondentenan, como cu e la expande cu 12,0 punto di indice te na 94% den e promer trimester di 2025. Respondentenan cu a indica cu nan por “cumpra menos cu nan entrada compara cu 6 luna pasa” a baha na 83% den e promer trimester di 2025. Pa cu e respondentenan cu a expresa cu nan ta spaar menos, esaki a baha te na 36% den e promer trimester di 2025.

E relato completo di e Encuesta di [Confianza di Consumidor](https://www.cbaruba.org) ta disponibel ariba website di BCA www.cbaruba.org

Banco Central di Aruba

17 juli 2025



Tocante Banco Central di Aruba

E proposito principal di BCA ta pa contribui na estabilidad financiero y prosperidad economico di comunidad di Aruba. BCA ta logra e mision aki door di implementa un maneho monetario efectivo dirigi na mantene estabilidad di balor di e florin, promove e solides y integridad di e sistema financiero y yuda mantene un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno. Ademá e ta regula e transaccionnan di pago cu exterior y ta administra e divisanan di Aruba y ta controla e uzo di esaki.

Pa mas informacion tocante BCA, por bishita su website www.cbaruba.org
